



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 2. De loco faciendæ Probationis, seu Tyrocinii.

[urn:nbn:de:hbz:466:1-73045](#)

612 Tract. in Lib. III. Decretal. Quæstio XXXI.

2667 Dixi supr. ut quis ad annum probatio-
nis in Religione subeundæ admittatur,
hodie *jure communi* sufficere annos pu-
bertatis completa; nam secùs est ex par-
ticulari statuto Religionum per Sedem A-
postolicam approbatarum etiam in suis
Constitutionibus. Sic in Societate JE-
SU nemo potest admitti ad Novitiatum,
seu probationem, ante expletum 15. æta-
tis annum, sicut nec post expletum 50. an-
num, sine Generalis dispensatione, ut
constat ex Reg. 16. Provincialis, & Can.
9. Congreg. Gener. VIII. Et ideo, si quis
emitteret vota simplicia in Societate, emit-
ti solita postbiennium Tyrocinii, vota es-
sent invalida, si quis biennium probatio-
nis inchoasset ante completum 15. ætatis
annum sine dispensatione P. N. Generalis,
de quo Sanchez l. 5. moral. c. 4. a num.
26. nam admissio illa secundum tempus,
quod est ante completum 15. annum, es-
set à non habente potestatem admittendi
ante illud tempus, seclusa dispensatione
P. N.

§. 2.

*De loco facienda Probationis, seu
Tyrocinii.*

2668 **D**ehoc agitur c. 1. b. t. in 6. ubi dici-
tur, quòd ante 14. annum Mona-
sterium ingressus, ut Monachus efficiatur,
si per totum sequentem annum in Mo-
nasterio permaneserit, ubi Professorum,
& Novitiorum habitus sunt indistincti,
professionem per hoc fecisse videatur; ad
quæ verba notant Menochius, Azor, &
alii apud Barbos. in dñz. c. 1. num. 5. ut
gestatio habitus in dicto casu inducat, sup-
positis coeteris, tacitam professionem, re-
quiri, *quod susceptus habitus deferatur*
in ipso Monasterio. Sed hoc non facit
ad præsentem quæstionem; id enim, quod
in præsenti queritur, est, an probatio fieri
debeat intra domos, vel habitationem
religiosam?

2669 Affirmativam siudet ratio ex fine pro-
bationis; hæc enim sit, ut probet vitam,
& modum vivendi talis Religionis, obe-
diendo, addiscendo scitu necessaria, se
abnegando per subjectionem, & rerum
secularium abdicationem, exercendo se
in functionibus ejus propriis sub disciplina

Magistri ad hoc destinati, qui observatis
ejus moribus, inclinatione, ac habilitate
informare possit superiorem, ac eos, à
quorum consensu pendet ejus ad profes-
sionem admissio, vel rejectio, &c. at
hæc sine inconvenienti fieri non pos-
sunt, si maneat eo tempore in seculo:
ergo.

Dubitari autem potest, an totus, & 2670
integer probationis annus fieri debeat in
Monasterio, sic, ut nullà illius parte de-
bet extra domum talis Religionis, vel
Monasterii? R. non requiri, modo ejus
commemoratio extra Monasterium fiat de le-
gitimi superioris licentia, cum animi
promptitudine semper redeundi, ubi ab
codem revocatus fuerit, præsertim, si ju-
beatur extra Monasterium deservire ho-
spitalibus, in aliqua peregrinatione sub-
cundo exercitia humilitatis, paupertatis,
incommodatum corporis, &c. hac enim
prosul eximia probatio est, quæ fit ala-
criter superioribus obediendo; & ita tra-
dit Suarez cit. l. 5. c. 14. a num. 13. San-
chez cit. c. 4. a num. 27. Navarr. l. 3.
confil. 32. an. 2. & alii.

Unde etiam notat Navarrus, & Sua. 2671
rez cit. c. 14. num. 15. Novitium anno
probationis completo posse ad professio-
nem admitti, sit habilis judicetur, licet
statim ab inchoato Tyrocinio infirmatus,
toto prope probationis tempore æger
fuerit; quia non obstante hoc accidente
sufficienter eum experiri potuit Religio;
ac ipse etiam illam experiri, exercendo in
doloribus patientiam, obedientiam, &
actus virtutum Religioni propriarum,
et actionibus quibusdam externis facti
ceteroquin in ea Religione solitis minus
impendere se potuerit, nam iste est finis le-
gis, qui non cadit sub obligationem.

§. 3.

*An annus Probationis fieri debeat su-
cepto habitu?*

R. **H**oc velle communiorum senten- 2672
tiam, nimurum, ad valorem No-
vitiatus opus esse, ut annus Probationis,
suscepto habitu regulari, peragatur; gloss.
in c. Super eo. 9. V. in eadem veſte. b. t.
Sylvester V. Religio. 5. q. 5. Azor. p. 1.
12. c. 2. q. 9. Sanchez l. 5. mor. c. 4. n. 29.
ratio